


Festival di Dande a wordo dedicá na Bertrando Henriquez y Fai v/d Biezen



ORANJESTAD

E di 26 festival di Dande a wordo dedicá na 2 homber di cultura, Bertrando Henriquez y Fai van der Biezen. Manera tur hende sa, e festival a tuma lugar ayera noch den Club Caiquetio.

Bertrando tin 65 aña y tin 52 aña den paranda di Dande. Cu 13 aña el a pasa su promer paranda di aguinaldo y Dande cu Pedro Jansen tocando tambor, tambu y wiri y alavez el a canta y toca cuarta.

Bertrando a forma parti di diferente grupo di Dande, entre otro Buchi Jendi Koolman,



tipico San Luis, tipico Perla, Tio John, Vicente Tromp, Chomai Koolman y su Grupo, Paranda di Lucas v/d Linde y Bruno Koolman, tipico Jara y Estrea di Jara. Paranda di Dande ta iniciá despues di tiro y ta terminá te 6 di Januari unda ta despedí di Paranda di Dande.

Bertrando Henriquez ta yui di Francisca Angela y Epifanio, kende tabata cantante di aguinaldo y Dande. E matrimonio a ser bendicioná cu 7 yui. Bertrando ta casá cu Rosario Teresa y tin 6 yui, e.o. Abel y Alfredo Henriquez, cantante y musico conocí aki na Aruba. Bertrando a forma parti di diferente mariachi, e.o. Perla, Mistica, Guadirincana, Aruba, Orguyo, Mil amor, Copa di Plata y Nuevo Orguyo. Cu tur honor e festival aki a wordo partí cu Bertrando Henriquez. Pabien.

Rafael "Fai" van der Biezen tin 63 aña y ta casá cu Petronilia Henriquez y cual matrimonio a ser bendicioná cu 3 yui. Na un edad di 13 aña ya Fai a cuminsá cu paranda di Dande. Esey kiermen cu Fai tin 50 aña ta dedicá na nos cultura.

Fai tabata den paranda hunto cu su rumannan Chomon y Jossy hunto cu e ciego maravioso Pedro Kock. E tempo ey e paranda tabata despues di tiro te cu 6'or di mainta, pasobra nan tabata mucha chikito pa por keda te laat riba caya.

Tambe Fai a pasa paranda cu su tata Florencio, kende tabata un bon tocador di sinfonia di man. Cu 16 aña ya Fai por a canta su promer Dande na cas di famia y asina su historia di Dande a continuá te na e momentonan aki unda e ta core

su paranda ainda cu diferente agrupacion di Dande, Fai su mama ta Maximina Donata van der Biezen, hende di Sero Patrishi y Shiribana/Sero Blanco - Paradera.

Fai tambe a canta cu Jacinto Donata y Sotero Jansen y e tabata den paranda tambe cu chimbo van der Biezen. Pa 7 aña Fai tabata cantante estelar di Dande cu Tipico Los Canarios y tambe el a canta cu Ola Tropical.

Fai a participá den varios festival di Dande, e.o. den tereno di Feria na Sata Cruz, Conny Francis Club, Trappers y Club Caiquetio. Esaki ta muestra cu Fai ta saliendo for di generacion cultural di su tata Florencio y actualmente su yui Ricardo cu actualmente ta Compositor y areglabista di Ola Tropical. Un palabrita di pabien ta bai na Fai.

Tambe Leon Ras a wordo honrá durante e festival, kende tambe tin hopi aña den nos cultura y tradicion di Dande. Leon pa hopi aña a forma parti di Tipico Los Canarios.

Benny Panneflek tambe ta un otro homber di cultura cu na edad hoben hunto cu su tata Perucho Panneflek y su omo Facundo a sali cu paranda di Dande. Te ainda mas cu 30 aña ta dedicá tur su tempo na nos cultura.

Helen Arends tambe a haya reconocimiento como e dama cu a gana mas festival di Dande den e siglo cu ta bai terminá.

Linda Wolff tambe ta otro dama cu a duna aporte grandi na festival di Dande, tipico y propio composicion. Na tur e personanan aki un palabrita di pabien pa nan aporte na nos cultura y tradicion di Dande.

Cadena Alexander no. 1 den tur Loteria

DIARIO
No tabatin sorteo

CORSOW
1313
1040
8146

TA PRESENTA
Gana tur dia cu

Bon Dia Aruba

AFL. 825-

yenando e formulario aki cu e 4 cifranan di bo preferencia y deposité den nos buzón paden di nos oficina na Weststraat promer cu 6'or di atardi. E ta hunga riba sorteo di Catochi pro Deporte

Mi number di Suerte pa awe ta:



Number..... Abonado SI o NO

Adres..... Tel:.....

CATOCHI
PRO DEPORTE

3370
8424
8856

